

PM 991

.Z71

1858a

Copy 2

FT MEADE  
GenColl







COME TO JESUS.

CESVS A OH VTES.

ERKENVKV HALL

COYVTE, MOMEN

W. S. ROBERTSON, JOHN McKILLOP,  
REV. DAVID WINSLETT,

ESYOMAT MVSKOKE EMPUNVKV OHTVLECICET OS.

PUBLISHED BY THE  
AMERICAN TRACT SOCIETY,  
150 NASSAU-STREET, NEW YORK.



Come to Jesus. Creek.







COME TO JESUS.

---


CESVS A OH VTES.

ERKENVKV HALL

COYVTE, MOMEN

W. S. ROBERTSON, JOHN McKILLOP,  
REV. DAVID WINSLETT,

ESYOMAT MVSKOKE EMPUNVKV OHTVLECICET OS.



PM991

771

1858a

copy 2

## CESVS A OH VTES!

---

Em apohicvs, naorkv toyetskat. Heyv huehketv estomahet omes. Hesaketvmese opunayet, cemen cem punayet os. Erket, awvkes, maket os. Eppucet, awvkes, maket os. Puyvfekcv Vcakat, awvkes, maket os. Puyvfekcv herakateu, momen naorkvlke sulket heyv huehketv enake hayepvte, em punvkv etohkalet, Cesvs a oh awepvks, maket os. Heyv nakcokau vnokeckv omvlkv kerkusen sec'ohyekcicet, Cesvs a oh awvkes, maket os.

Yvmv ekvnnv arof, este en naorketv kerruset, merretv es fvcket, nettv hvmken este sulkat oh vfvnnaket em merruset, "Vtotke cen honhoyvkat omvlkv vcoh awvkes, momen fekepkn ce'mvkares," makvtes. Maro 11:28. Mv makvte hiyomis maket os. Huehketv mv nettv este emvte, cemeu ce'met os, naorkv toyetskat, "A vc oh vtepv." Naorketv es cen honneko? Acha! munkv Cesvs a oh vtepv, momen fekepkn eshecetskvrer. Cesvs a oh vtes. CESVS A OH VTES.

## CESVS A OH VTES.

Fekepkvn maket os. Momis puyvfekev en fekepkv ena en fekepkv 'sen heret os. Holwaket os sylvfke haketv, hihket, catet, vtotketv ; momis Este-nekricv en sylvfketvt holwake mahes, vkerickv holwaken, efeke nokken svretv. Heyv em fekepkv hecikekos, Cesvs a oh awekon omat. Acha munkv Cesvs a oh vtes, momen naorketv omvlkvn cem vkueyvres. Elkv nettv, ohfvtceckv nettau en ce penkvlet ome haks? Vtes, momen mv nettv hesaketv afvcketv vliceat tarès. Mv cen huehkat yekcetv ocet omet, cem vnicetv vkvsvmes. Elawusat hompetv em oces, estemerrateu enakocen em oces, momet hesaketv cyuksv sekon omvlkvn em oces. Yvmv ekvnv oh arof, vpohv torhecekot Cesvs hoyanen pohet, "Vm merrvs, vm merrvs" kicvtes. Cesvs a en huehket, em merrvtes. Naorka, cemeu cem vhlvpvtkekvs, matat cen huehket os. Mv torhecekat em vtcetv vkayvte etvpomen, cen naorketv vpvlatet, nake cem vnvttecat omvlkvn ropottet, Cesvs ele tempen tvklatket, vm merrvs kicvs. Cv hecekot, cv sumkes, vm vnicvs. Naorkv rakke toyetska? Mome mah vtepv. Vkerrickv holwake ocetska? Mv vkerrickv a svtes. Efeke holwiyece ocetska? Mv efeke a svtes. Nake em vnokeckv es heckuecetv ocetskeko? Cvto-konawv ocekot vtes. Este vcakat, estemerrusat, pucase tis, sylvfke tis, vcu-

lat, mvnettāt este-catet, este-hvtke, momen este-lvste, naorkvlke vtekat awepekvs.

“ESTOMEN VTVRANI HAKS?” NAORKV TO-YETSKES, NAORKETVN EN KVPVKVRET VTES.

Naorkv toyetskat kerretskekis omes. Vpvlwv sen holwvkvkos, momis sulken sen heriyes kometskis omes. Uehome-eskv, horkopv, momen hoktarv toyetskeks. Momis Nettv-cakuce vca-yecet, momen mekusvpkv-cuko ayetskes. Momis ahakv omvlkvñ vfvstetskvttet ome haks? Hvm-kusis kvcetskvte seko haks? Estofis fvtcet, em-vhlvpatkuset, este encakusetska? Estofis ekv-svmkv, cvpvkktv, este emvkerretv ocetskeko? Efeke fvtcen Hesaketvmese komet os, momen pum vkerrickv omvlkvñ kerres. Naorketv ce feke ofv ocetskeko? Ahakv enhvteceskv momen rakke mahat tes pun Hesaketvmese pum vkerrickv momen pun yekce omvl' es vnokecetv. Heyv estofis momecetskvtt haks? Estofis afvcecicat em mekusapet, en nettv, em estvlke, em mekusvpkv ofv afvckat, estofis mv hvsvtkat ome haketvñ komet, em fvtcetvñ kerkuecet vpvlwv vnokecvkvren, momen nake omvlkvñ es afvcecicetvñ kometske haks? Heyv estofis momecetskvttē omat, nake momecvranvtet momecet ometskes. Momis momecetskekos cem vkerrickvt ce kices. Kerrets-kes naorketskvte cukpe-rakko sulket omes. Ker-

retskes ceme cem afvcketvn hopoyet, cem vker-  
rickv herakat ofv Hesaketvmese afvccicetv ko-  
metskekos. Cemetat e afvccicet, Hesaketvmese  
vkerricetskekos. “Este hunvnwv holwiyecvkos  
maken omat, e emvkerres,” Nakcokv-rakko ma-  
ket os. Fvtcat hvmkis sekos. Naorkv toyetskes.  
Naorketv rakket ec’oh vtarkes. Hesaketvmese  
en nakcokv ofv cen naorketv omvlkvt escokes.  
Estomet e en kvpiyecicetskeko tetayes. Ohrolo-  
pe cukpe sulken vtotketskis, naorketv contkuis  
e en kvpiyecicetskeko tayes. Mucv-nettv em  
vhuere feketskis, pvksvnke enake em munkuset  
oces. Momen nake ocetskat omvl’ wicket, ena en  
nokke, elkv tis eteropottetskis, holwiyeckv vkue-  
yiyekos. Nettv hoyvnepat afulikekos. Momis  
naorketv en kvpvketv en-rahkv sekot, esfcket,  
cyuksv sekot, naorkv em oces. Cesvs naorketv  
en kvpvketv cem oces, naorkv toyetskat, eme e  
catv es nesvtet. Mvn komet, vtes. Mvn komet,  
Cesvs a oh vtes.

#### HESAKETVMESE CVPVKKET OS—ATET ETEN- HERKEPVS.

“Hesaketvmese holwiyecvlke nettv omvlkvn en  
homeces,” Nakcokv-rakko maket os. “Holwiye-  
kv vtotkvke omvlkvn en homecet os.” Momen  
Hesaketvmese cemen cen homece tetayet omeko  
haks, holwiyeca? Mvt hesaketv cc’met, ce hesa-



yecet, nake cem vhlvpvtecicat omvlkvn cen hec-  
 kuecet os. Momis ce hoses. Em ahakv cem  
 onayvtes, momen heyv omvlkvt cen hervre vrah-  
 kv tes, momis mos kometskekos. Hesaketvmese  
 vrakkuecekot, momis nake mv omat seko omecet  
 aretskes. Cerkvike momecet vrakkuecetskekon  
 omat, herekos, vpvke vretv tis ce yacekot, nake  
 ce kicakat tis em apohicetskekon omat. Hesa-  
 ketvmese nake makan em apohicvs. "Aeha!  
 Hvlwe-tvlofv toyetskat polvs! momen Aeha!  
 yvmv ekvnv toyetskat cem estomahekvs! hopoe-  
 take vfastet rakkueciyyvtes, momen vc vnrvpaket  
 os." Erke eppucen vnokecusat etvpomen, Hesa-  
 ketvmese vnokeckv es fvcket os. Momis cen  
 holwiyeckv vrahkvt e feke en nokkicet os. Mvt  
 ce Hayvtet, cem Mekkot, fvtey ec' Ohfvteceyvs,  
 momen holwiyeckvike omvlkvn estemerrievranat  
 tvlkuset os. Vnrapvlke erke encakusat omekot,  
 momis mekko cvpvkke omet os. Cen homeceton  
 omat, cemet cem momet omes. Cemet momen  
 hayetskes. Cen naorketvt cen Hesaketvmesen  
 ce'tekvpicvket os. Holwiyeckv toyetskat, naor-  
 ketv en kvpvkeket aretsken omat, en cvpvkket  
 ec'ohfvtey hiye emunkvt omes, momen estomet  
 en kvpahket em ehiketskekos. Estvmvn arets-  
 kat mvn aret, cvpvkket os. Nene oh aretskat  
 ece'paket, wakketskateu ece'hueret cvpvkket os.  
 Mv komaten hesaket aretsket os. Aeha naorkv

toyetskat, Hesaketvmese cen homecat yvmy ekv-  
 nvt cen homecen omat svmomuset omes. Cen  
 hesaketv estomahet os! "Hesaketvmese en cv-  
 pvkkt ec'oh fekhunnet os." Penkvke estvmahet  
 os, wakkvkof, momen alikvkof, estvmvto estomen  
 aret, naketon celayvkis Hesaketvmese cvpvkkt  
 os, kometv. Momen Aeha, Hesaketvmese cvpvk-  
 ketat kerre, momet ohfvtceckv ehomy erhuerv-  
 kis cvpvkkt omvranen kerrvkat penkvket os.  
 Cen hesse haketv vkvsamuset os. Eppuce ato-  
 tat, "Hesaketvmesen etèherkvkes" maket os.  
 Mv Atothoyvten ce feken emet, mvn vfekrakkets-  
 ken omat, heyv cvpvkktv omvlkv fekhunnvres.  
 Aeha momekv, Cesvs a oh vtes. Hesaketvmese  
 en homece monkekot, momis en hesse hakvs.  
 Momis vketecvs, Cesvs etv huerihcetskvs; "Es-  
 timvt Eppuce" a oh vtekot "oh vkvsvmekon  
 omat, hesaketv hehcekos, momis Hesaketvmese  
 en cvpvkkt oh fekhunnes" maket os.

TOTKV-RAKKO CEM EHAKES—VTES HESAKE-  
 PETSQVRET.

Totkv-rakko nak' onvkuce tokot os. Plestvlke  
 opunvkv haye este es penkvlakeucat onkot os.  
 Nakcokv-rakko Hesaketvmese em punvkvto me-  
 henwat etvpomen, "holwiyecvlke Totkv-rakkon  
 seceyvres, momen tvlvv Hesaketvmese ehosa-  
 kvte omvlkv sohceyvres." "Este ahvmkv pv-

svtkvrannen em mellvkvtet os, momis er topvrvn ohkerkvrannet os." Momof este omvlkvt nake vfastvte e ohkerkuecvrannet os. Momof naorkvlike omvlkvt Cesvs a oh awe en naorketv e en kvpicvkekate Ohkerkuecv akvskvnnv svpvklecvres, mont heyv opunkvv sehonnekat kicvres, "Kvrvkvks, ohtvhikvke toyatskat, totkv em cyuksv sekonn sohceyvkes, Este-nekricv momenn em estvlike em etetakuecvkvte ocan." Aeha! estimvt mv estemerkv oh onnye taye haks? Svvvcomv nettven hiyayvke herat sekäres, svvvcomv cenn hesvlike em punkvv herakusat sekares, svvvcomv ekvnnv em afvcketv, momenn naorketv em afvcketv sekares. Este enakov en nakocetv esahyekos. Este afackv em afvcketv esahyekos. Cem vkerickvt ce naoricvres. Naorketskvte tis kerkvres, momenn cem etektvnnke tehoyannat hiyomat em cyuksv sekonn ayepes. Aeha! mvt hvmmkvteket rafulkate! Aeha! nettv-cakuce hvmmkussis rvlakate! Momis momof hoyvnepvres. Yomucke, holwiyeckv, estemerkv, elkv estofis emunkv tares. Cesvs opunvyecat "akhvse totkv tohottoplane sette nokre munkv, yomuckofv, hvkihketv, enute sette tekketau—enn cuntv elvte seko, enn totkau vslvte sekan—holwiyeccv enake-ocv estemerkv ofv tvklike, ahvkihkat 'Lisvle atohtetsken, enne-wesakv e yuksvn uewvn aktekkhehyet, cv tulaswvn vn kvsvppuecekvs, heyv fenke ofvn cv'stemerrekv'

makvten," kicet os. Mvn svholwakat svholwake emunkvres, momen "em estemerkv em ekkocce estofis kvwapke emunkvt omes." Heyv opunvkv kerkuecat emuntvle estemerkv oce haks? Munkv, penkvlike estomahet os, estemerkv tvkliketv! Naket mv emuntalat oce haks? Momen holwiyecv en holwiyeckv en kvpvkekat vtekat mvn ayét os. Ceme, heyv nakcokv hecetskat, holwiyeckv cen kvpvkekon omat, mvn ayetsket os. Hvse-vkerkv hoyanat vtekat ec'oh vwolicet os. Ayvkhvmkvn mvn eroretsken omat enhonrkv estofis sumkepet os. Momis mv em vnvttetpetv seko haks? Henka, hvmket ocet os, momen mv tvlkuses, Cesvs ohletketvt. Estemerkv en kvpvke este hesahuecat vlaket omvtes. "Hesaketvmese yvmv ekvnv vnokecusat vrahkv, Eppuce hvmkusat wiyvtes, estimvt mvn oh vkvsamen omat, estemerriyekos, momis hesaketv eyuksv sekon epoyepvres." Vtetskekon omat, naket ce hesayehcekos. Momen atetsken omat, hesaketskvre naket cem vnvttehcekos.

#### VKERRICKV EM VHLVPVTKETV MV VRAHKVN VTES.

"Holwiyecv emvhlvpvtketv ohcekos" Hesaketvmese maket os. Holwiyecvlike em vhlvpvtkvke ome sases, momis vkerricetv e yacvkekat vrahkvn omes, vkerricvkekos. Momis mv vkerricvke-



katton omat emvhlvpvtketv kicesko tetayet os. Perro uewvn aksumken estet oh piket, em penkvltkvt vketecekat etvpomaket os. Monkat esnesv tis e nakoce yvmahken heces, momis em vhonekvtkv oh vketecekos, em vkerrickvn en naorice sem momet. Matvpomen holwiyecev naket hereko sem momes, momen vc afvckeko hahkes komet, Hesaketvmese momen eme em puyvfekev vkerrickv vkueyicet os. Momis holwiyecev vtekat vkerrice oces, momen momof en holwaket omes. Elkvt vnakuecev e hutten en cukopericet, monkat eme e hute tis eceyet, monkat eme tis oh vlaken omof, momen vkerrickv em vlake sulket omes, "Hesaketvmese cvpvkkes, vm puyvfekev penkvltke ofvn oces, cv'lvre vm etetakekos" komes. Momen mv vkerrickv em afvcketv em vhopanet os, momet nockau em vnvttcet os.

Holwiyeckv en kvpvketskekon omat, cem vhlvpvtikekos. Yvmv ekvnv em afvcketv eshecetskes, naorketv ohvtvlaken vfastet vkerrickv es sumecicetvn kometskes, momis ece'fvcikekos. Momis Cesvs a oh awayof, holwiyeckv omvlnvn pum vkueyes. Momof pun holwiyeckv pu feke nokken es vkerriceyes, momis penkvltke vkerriceko tetayes. Hesaketvmese, "Cen holwiyeckv svnvcomvn vkerrihecvkos," pu kicet os. Em mvtteciceyat omvlnvn vslecet os. Era topvrn vpvlatet os. Ohfvtceckv nettv omof a onahoyekares.

“Esfvcken pum merrvres.” Hiyomat vnokeckvn es pu hecet os. Em penkvleko tayet os. Pun hesse epu’nokēcusat etvpomen, em enhonreyvren pu kicet os. Atvme em ehkvte omekot, momis Tewe mv ofv ehkvte omen, “Cemet vm ehketv toyetsks,” makvte, Aeha, emvrahketv afvcketv rakkēs! Holwiyecv toyiye emunkes, momis naorketv vn kvpaken, etenherkepin, cv hesakes. Momen nake penkvlvken vkerrickv vm onayis, Cesvs, “Cen naorketv cen kvpakes, emvhlvpvtket vyvs,” maket os. “Emvhlvpvtketvn cem wikis, emvhlvpvtketv cvnaken ce’mis.” “Vkvsvmkv eteropotten pu fvtcvkvttet, Hesaketvmese Eppuce eteropotten pum vhlvpvtkvkes.” Naorkv ce’stemērrusate, emvhlvpvtketv en hopiycetskvttet os. Yvmv ekvnnv em afvcketv emvhlvpvtketv tokot os. Momen Hesaketvmese en horre toyetsken, cen holwiyeckvt honnet ce feken ohwetenke vtekat, naket emvhlvpvtketv ce’hmekos. Momekv Cesvs a oh vtes. Mvt emvhlvpvtketv hayet este’met os. Holwiyeckv en kvpvketv mv eteropotten hopoyvs, momen kerretskvres “Hesaketvmese em emvhlvpvtketv kerkeko tayuses” make ocan.

#### EFEKE MUCVSEN KOMET, VTES.

“Svnnvcomvn heckvranetsket os,” Cesvs Neko-temvsen kicvtes. Yvmv ekvnnv fulleyof, Hesa-



ketvmese em mekusapet, mi hvlwe tvlofau es afvckeyvre emvrahketv rakket pum vkerrickv ofvn ocvrane os. Naorketvt Hesaketvmese ker-rēkon pu hayen, vnokecēkot os. Mekusvpkv mehenwat es epu'fvckekot os. Heyvt "vpeswv em vkerrickvt omet, mvt elkvt." Naorketvt omecicen nake en homecvkvte em en here, nake em en hervkvte en homecetv mvrahketv rakket omet, ahesaketvt omes. Mvt svnvcomv hecketv tes. "Mehenwusen, mehenwusen, ce kicis, estet svnvcomv hecketv omekon omat, Hesaketvmese em etvlofv hehcekos." Naorkv svnvcomv hecketskekat, estomet Hesaketvmese en liketv eroriyes kometske haks? Mv eroretskis ece'fvcikekos. Fuswv hotvlen es afacket omes, wakau hiyakpon es afacket omes, momis rvroton omat, mv es afvcikekos, estemerret, elepes. Nake omvlkv estvmvt 'sen herat mvn ocvrane vlket os. Matvpomen vkvsvmekvlke mekusvpkv es afvckahkekos. Nettv-cakuce es naorvket omet, mekusvpkv em alostvkekot, mekusapvlke etohnvkaftateu em alostvkekot os. Momis hvlwe-tvlofv Nettv-cakuce emunkvt, mekusvpkv emunkvt, hvsvtketau emunkvts, em estvlkeu omvlkv fvtcvkes, momen em punvkv, em fulletv tis omvlkv Hesaketvmesen oh ayet os. Hvlwe-tvlofv afvcketvts hvsvtketon, Hesaketvmeset mvn likekv. Momis Hesaketvmesen vnokecekot, hvsvtketau vnokecetskekon omat,

ece'fvcikekos. Momekv svnvcomvn ce heckekon  
omat, mv ecehyetskekos. Ceme ce feke etihcets-  
kekos, momis Hesaketvmese em Puyvfekcv mo-  
meces, momen Cesvs Puyvfekcv emetv pun hec-  
kuecvranatet elet omvtes. Momen heyv emetv  
pu Hesayecv oruse em'pohat vtekat emet os.  
Momekv yekcen Hesaketvmesen em Puyvfekcvn  
em'pohet em mekusvps, svnvcomvn ce heckvren.  
Tewe em emekusvpkv Cesvs a 'soh vtes, "Efeke  
hvsvtken vc ofvn hayvs, momen puyvfekcv fvtevn  
vc ofvn mucvsécvs, Aeha ! Hesaketvmese." Mo-  
men nake cem vnicvre, Cesvs pum merruse pu'mv-  
rane ocan vkerrievs. "Munkv ceme holwahokats-  
kisem, nake here cen hopoetakuce emetv kerrats-  
ken omat ; Cerke take Hvlwe likat mah nake  
em'pohakat here emet omeko haks ?"

CE'SEHPET ENAKEN CE HAYVRE VRAHKVN,  
VTES.

Este enake-ocvt, este estemerrvlke en hopoeta-  
kucen cahwet, enake omecet emahaye sases ; he-  
yvt enake hayetvt omes. Momen Cesvs a oh  
awat Hesaketvmeset momecvret maket omes.  
"Cemet cvppucetake, cvtshustvlke toyatskvres,  
Hesaketvmese yekcetv omvlecat maket omes."  
"Enake haketv Puyvfekcvt pun heckekv, mv  
vrahkv hvkihhokeyat, Appv, Purke makeyet  
omes." Mekusvpkv ofvn Hesaketvmese "Purke

Hvlwe liketskat" kiceye tetayet omes. Yvmv ekvny, erkvlke hopoetake vnokecatat emuntvle-  
 cen heyv hopoetake enake hayepvte vnokecet  
 omes. Em mahayet, oh vfvnnaket, em vhlvpvte-  
 cicet, hompicet, vfastet omes. Estemerre, efeke  
 en nokhokat en hervre vrahkvn omes. "Este-  
 merkv em elecvn svpaklatsken omat, Hesaketv-  
 meset eppucetake ec'omecvkes; Hesaketvmese  
 estimvn vnokecatat, mvn estemerricet omekv."  
 Naked en hereko em ofv em vhlvpvtecicet omes.  
 "Erke en hopoetakuce em merrusat etvpomen,  
 Hesaketvmeset eme vnokecataten em merret  
 omes." "Mv hvmke etske em vhlvpvtecicat etv-  
 pomen, cem vhlvpvtecicares." Enokketv, naked  
 en sumke, estemerrat, naked naoricat omvkv es  
 en hervre vrahkvn ohtotet omes. "Hesaketv-  
 mese vnokecvlke naked omvkv es en hervre vrah-  
 kvn em momet omes." "Naked herat e yacvke-  
 kares." "Naked es en nokkicvret vnrvpuehocisem  
 ohfvnikekos." Naked en hereko, penkvke ofvn  
 svpaklofv, Erket vhueret omes. "Ce penkahla-  
 tes, vnet ce nesiyvtet omekv. Ce hocefkv es  
 cen huehkiyvtes, cvnake toyetskes. Uewv ete-  
 ropottetskofv, vnet ece'pakares; momen uerak-  
 kon aktiketskis, ec'oh laukahkekos." "Estofis ce  
 wkvkot, cen kvpahkvkos." Naked e yacat omv-  
 kv Erken em onayakēs. "Naked komatskat  
 omvkv Hesaketvmesen en kerkuecvkes." En

hvkikhketv em apohicetv emetetake emunkvt omes, momen here em vfvstvrenkeu rvtoske emunkvt omes. Erke omet liketv em etetakuecet omes ; momis yvmv ekvnv ocat omekot, “vhopvnkeko tetayet, svholwakekot, momen en hvsvtkeko tetayet” omes. Aeha Hesaketvmese em estuce haketv afvcketv rakket omes ; “Hesaketvmeset Cvrketes” kometv ! “Vc vnokecet, vm merret, vc vhecicet omes. Nake holwakat en kvpvket hueris. Este holwiyecakat, momen puyvfekcv holwahokat vn nokkihcekos. Hesaketvmeset vm vrvnaketvtot, estofis vc vnakuecuses. Momen nocvte sekot, hotosvte sekot, ehosvte sekot, emvrahkv hakvte sekot omes. ‘Vnokeckv em eyuksv sekon es ece’nokeciyvtes’ maket omes. Yvmv ariyofv estofis vc vnakuecusvres, momen respokof estofis vpakit likvranin cv’svres.” Yvmv ekvnv en rakketv estomet heyv em etetayece haks ? Apohica, Hesaketvmese em estuce haketv ce yaca ? Cesvs a oh vtetsken omat, mometske tetayes ; “estohmomuset enake hayat omvlkvn Hesaketvmese eppucetake haketvn yekcetvn emvtet omekv.”

#### HVLWE-TVLOFV ECEYVRET, VTES.

Estemerkv holwiyecvlke emetetake ocet omekv, mv etvpomen Hvlwe afvcketvt Cesvs a oh awat omvlkvn em oces. Hesaketvmese holwiyecvlke vnokecat rakket omekv, Eppuce atotat es-



temerkvn en kvpiyecievre tvlkekon, momis em eyuksv sekon afvcket heraket vpaket vpokvren omvtes. Vksamv elof, ena vhopvnkepisem, em puyvfekvt ayvkhvmkusan Cesvs rvpakes, mvt "estvmahen 'sen heret os." Hvlwe-tvlofv Nak-cokv-rakko pum oh onayat here estvmahet os. Enokketv, hvkihketau, elkau seko tvlofv omes, nake pu naoricet, pu feksumhuecvre sekot omes ; estemerketv, eten homecetau, nake este naoricvse seko emunkvt omes ; pu kicet os. Ena hopelkv rakvwapkat "hopvnkekot" omvres, momet ena nokkekot, hotoseko emunkvt omvres. Vculkv en nokkicekares, estofis emvnette munkvt omvres, momen este pu'nokecusat elkvt pum vkuelyiekos, elkv sumecihocvtet omvret okv. Ma res en herat, holwiyeckvt sekares, momis efeke omvlkv vno-keckv hvsatkusan Hesaketvmesen es vnokecaket, emeu ete'nokecvke tares. Omvlkv vpvlvv etoh-kvlke em afvcketv ofvn es afvckvkepvres, momen Hesaketvmeset vpvkvres. Este herake enhomv fullvte omvlkv vpvkvres, mehenwv vrakv pvsatkvte. Hesaketvmese Eppuce vcvk-fullvlke, momen ovalvlkeu. Mvn Hesaketvmese em estvlke hvsvthakusan etohkvlkeyvres, momen omvlkv res emuntalat Cesvs ena vrakkuecvkvte ofvn heceyvres, e torofvn en hecet, estofis Hesaketvmesen vpvkeyvres. Hvlwe-tvlofv en rakke ker-kuecat, tvlofv en nene cvtokonaplaneton, en to-

hopke ahauke cvto-konawvton, em atohopke lah-nuse, heruse es vhopayvkvttet os ; tvlofv hvttce hiyayakuse teropotten, momen eto hesake esse este afvceecicuse ocen, vtotketv rohyupv fekepkv ocan, Purke e hute liketv afvcke ocan. “Afvckettv en heckvres, momen efeke nokketv, hvkihketv omvlkvtt sumkvres. Afvckettv yuksv sekot” en heckvkvres. “E homv afvckettv esfvckes, momen em akvpera afvckettv emunkvts.” Yvmv ekvnnv em afvckettv herake mahat hofunekon sumeces. Enake-ocettv e tvrpnv hahyet, cvfeknett, pun hes-svlke tis omvlkvtt sumeces, momen elkvtt nak’ omvlkvnn ohcokes.

Momis hvlwe-tvlofv em afvckettv estofis emunkvtt, emunkvtt omes. Apohica, heyv hvlwe-tvlofv cenake hake tetayes. Cesvs ahauke vhecicv tes, momis holwiyecvlke omvlkvtt esceyvve tetayen hauweces. Cesvs a oh vtetskekon omat, hvlwe-tvlofv ecehyetskekos ; mv tvlkuset ahauket okv. Momis vtes ce kicet os. Cen holwiyeckv mome estomis, Cesvs a oh vtetsken omat, hvlwe-tvlofv cenake tares. “Heyv vhesaketv opunvkv CEMEN a cen tothoyvttet os.” Momekv hvlwe-tvlofv em afvckettv vrahkvnn, Cesvs a oh vtes.

#### CESVS ESTIMVT OME HAKS?

Heyv vpohettv rakke estvmahet omes, momis este fvttv heren Cesvs oh kerrekon omat, “Cesvs



a oh vtes" make ocat heren halvhtekos. CESVS HESAKETVMESE TES. Yvmv ekvnv yoh heckeko munkof, em eyuksv seko vteken Hesaketvmese tates. Erke Hesaketvmese tat etvpomen, Cesvs Hesaketvmese tes. Heyv nake rakke estomahet omes, momis mehenwv rakket omes. Nakcokv-rakkot kerkusen onayet omes. "Opunvkvn" kihocet omes. Momen Cane pun kerkuecat "Enhv-teceskv omof Opunkvv tates, momen mv Opunkvvt Hesaketvmesen vpakvtes, momen mv Opunkvvt Hesaketvmese tates. Nake omvlkvv hayvtes, momen mvt sekate mv haktvte hakekates." Momen "mv Opunkvvt vpeswv hahket, epu'pakvtes." Momen Cesvs, c opunvyecat, "Eplvme sekofvn hueris," maket omes. "Ekvnv hocvckeko munkof en rakke oce Erke es vpakvtet" opunvyecet okvtes, momen, "Vne Cvrke tepakeyat humkuset os," maket pum onayat Erke en rakke en hiyayvke etvpomes pu kicet omes. "Hesaketvmese heckekat ahaket omes," "vpeswv ofv Hesaketvmese heckat tes," "mvt pvksvnke tis, mucv nettv tis, matvpome emunkvt omes."

Momekv Cesvs Hesaketvmese tes ; momet yekcctv, hoporrenkv, heretau es yukpokuset omes. Naken momeceko tetayat sahsekos ; momen emvrahkv hakekot omekv, naken momecares makate, momecet omes. Tokvs, naorkv ce'stemerrusat, Hesayecv heyv oman ce yaces. Penkvllkv rakken

cem vuvttehocvren ce yaceton omat, este yekcetv ocen oh ayetskes. Estimvt en yekcetv Cesvs ome haks? Nake Hesaketvmese momecat omvllkv momecet omes. Nake yekcvke, penkvke, epu'n-rapvlkeu ohfvnkeko tetayat sahsekos. Yekcetv ocetske seko estomis, en yekcet tetayes. Este hunvnwv yekcetv ocekon, momet Hesaketvmese em estvlken em enhonrvranetsket omekos. Nake hocvckvte omvllkv 'sen hvlwe Hesaketvmese yekcetv omvlecan em enhonrvranetsket omes. Mv 'sen kvncvpuset pu Hesayecvtot omen omat, pu penkvlvke tetayes. Momis mvt pu hesahuecv-ranen omat, pu penkvlvkeko tetayes, hvlwe-tvlofv yvmv ekvnau Ohfvnket omekv. Estimvt pum nokkice tetaye haks? mvt pum vniceu omat. "Hesaketvmeset pum vniceu omat, estimvt epu'n-rvpe tetaye haks?" Cesvs a oh awcyat vpaken, en yekce, en hoporrenkv, en heretv, en hvsvtketv omvllkv es epu'fastet omes. Hesayecv heyv omet ocen pu'stemerriekos. "A oh awat vtekat hesayece tetayet yekcetv ocet omes."

#### CESVS ESTE HUNVNWV TES.

Hesaketvmese mchenwat etvpomusen, heyv mchenwet omes. "Hesaketvmese yvmv ekvn encakusat Eppuce hvmkusat atotvtes." Momen Cesvs "Hesaketvmese etvpomet" omis, "vtotkv ome hakvtes, momet este hunvnwv en heckv ome

hakvtes." Ahakv kvceyvte ocan vfvstvrānet, estemerkv e en heckueceyvten estemerrvranatet, este hunvnwv haket omvtes. Estimvt Hesaketv-mese heceko tetayekv, mv em vretvn Hesaketv-mese estomet omat es en kerreyvren, este hunvnwv hahket aret omvtes. "Estimvt vnen cv hecv-tet omen omat, Cvrkeu hecvtet omes" makvtes. Momet pu'stemerraten estemerrofvt, pum vnice tetayet, este hunvnwv haket omvtes. Momekv, Cesvs este hunvnwv omen vkerrievs. Vsvn este clen es fulhoyes. Oye etshuswv hvmkusatton, efcke nokkusen, vcvk ayes. Este hunvnwv estomet hecat, em merriyet, oh ahyet, este elat ahesayehcet, etske em wike tetaye haks? Mv hunvnwv vnokeckuse, yekcetv ocat Cesvs tes. Estimvt hopoetakuce sulke em etenrāwvn hueret, cawet em merret ome haks? Cesvs tes. Estimvt, Lissvle en hopelkv ctempen hueret, hvkihket ome haks? Cesvs tes. Estimvn enokhokat, estemer-rakat, momen efcke en nokhokat oh pefatken em wicecet, em vhlvpvtecicet ome haks? Cesvs tes. Pu'ncakuset, pum merruse emunkvt omes. Este hunvnwvtot, etecakketskat okv, em penkvletskeko tetayet omes. Mvt, "A vc oh vtes," ce kicet omes. Naorka, mvn em apohiev. Mvt Hesaketvmese yekcetv omvlecattot, ce hesayece tetayet omes. Cem penkvlv, cem estemerretv, cen yekcetv seko hueretskat omvkvvn kerret, cem merret

omes. Ce penkahlates ce kicet omes. Etecak-ketskat omet, ce'ncakuset hueret, vtes ce kicet omes. Cen hesse rakket omes. Mos komeko ahretskvs. Em apohicvs. En yvmvskvn ce feken es celayekvs. Nake momecares makvten em enhonrvs. Hiyomof Cesvs a oh vtes. Ce Hesayecv omen vkerricet, cem mekko omen em apohicetskof, etecakketskat ece'wolicat es em vwolen ecc-nakuecvres.

#### MVT NAORKVLKE HESAHUECV TES.

"Cesvs Klist holwiyecvlke hesahuecvrane yvmv ekvnv vlakvte mehenwuset omen, e enake hayvkvre heret omes." "Mvt Mekkotot Hesayecv taranen Hesaketvmeset hvlwecvtet omes." Heyv tvlkuset yvmv ekvnv holwiyeckv es fvccke likan vlvkuecvtet omes. Momen estomet pu hesahuece hakes? Epu'yoposket hueret, estemerkv e encakkueceyvten estemerratet omes. Ahakv kvceyvтетot omisem, mvt esyukpokusen vfvstvtet omes. Mvt "hvsatkuset, esvholwakekot, est'en-nokkiceko tetayuset, holwiyecvlke en kvpvket" huervtet okv. Pun holwiyeckv vrahkv pu pvsvtke tetayuset omes, momis mvt pum elvtes. "Sulke vrahkvn en hesaketv wiyvtes." Tvhiketv em elecvn svpakleyvtes. Momis "mvt epu'rahkvn oh tvhikvkvte hakvtes." "Eto oh vtarkofvt pun naorketv e oh wikkvtes." Heyv vrahkvn este



hunvnwv haket omvtes. Heyv vrahkvn vnrvp-  
hoyen, Kersemene cvpofuce ofvn hihket, em mes-  
kat catet cvfcaken, oh tofket, eto-fvske es kv-  
topuecet, eto-teweklepkvn svrahet omhoyvtes.  
“Sulke vrahkvn en hesaketv wiyvtes.” Svlvfke  
toyen—pucassekön pu hayvranet vlaket omvtes.  
Momis enrahkv fekat, e catvn es feket omvtes.  
Svlvfke toyet, pu pvsvtkvränat tvlkuset svpak-  
leyof, Erke en liketvn wihket, yvmv ekvnvn vlah-  
ket, “holwiyeckvn en kvpaket em eyuksv sekön  
hesahokepvren vnet em elares,” makvtes. Mo-  
men hiyomat hvlwe-tvlofvn erorepet, likepes pu  
hesahuecvranet. Ep’oh vfvnnaket, em Puyvfekcv  
em punkvv eteropotten pu’tempunayet, pum me-  
kusvpkv pum apohicet, pum etenherke munkvt  
likes. Momekv em elkvn en hesaketv tepvken es  
pu hesahuecet omes. Epu’huere omvlkv feket,  
nake pu yacat omvlkv pu’metv em etetakuset  
omes. Oh vkvsvmakaten elkvn en re en nokkice-  
ko tetayen, ohfvnceckv nettv omof estemerrvkeko  
tetayen svpaklecet omes. Naorkvlke em mvtvke  
omet ohfvncecv ehömvn svpaklvraneyet omes,  
momis, “Cesvs vm elvten oh vkvamis,” makeye  
tetayen omät, cen naorketv cen kvpakvken, ce  
hesakvke tetayes, makvres. Apohica, “naorkv  
ce’stemerrusate, estemerkvn ayetske tetayuset  
omes, momis vnet vhesaketv enrahkv sekön sv-  
lvkiyvtes, cv catv es nesiyvtet. Ece’rahkv eli-

yvtes. Ce hesayeciye tetayet omes. A vc oh vtes."

#### MV TVLKUSET HESAYECV TES.

"Vnet ayetv toyis, estimvt vnen cv tehoyvnekat Erke Hvlwe likat oh ahyekos," Cesvs makvtes. Cesvs a oh awayat tvlkuset holwiyeckv en kvpvkeye tetayes. Hesaketvmese em merkvmovlvn Cesvs em wikvtet omekv, mv tvlkuset holwiyeckv pun hvsvthice tetayet omes. Cesvs vfekrakkekofvt, Hesaketvmese em merkvenhonorat sases. Momis Cesvs vfekrakkekon omat, merkau e yacvkeko tetayes. Mv momakat ohfvtev Hesaketvmese ohfvtecev cvpvkkt, totkv nake sumecicat omvres. Pum vtotketv herakat etawvt pu hesahuehcekos. Pum fulletv hervke mahat holwiyeckv tes, momet herake estomisem, pun holwiyeckv hoyvnepat pun hvsvtehcekos. Pume pum vtotketvt omecicen hvlwe tvlofv esceyeye tetayvten omate, estoman Hesaketvmese Eppuce elet omvt haks? Pume etawvt e hesayeceye tetayvtes. Ceme cem vtotketv herakat, cen heretv, cem fvtcetv em enhoniretskvs. Hesaketvmese Eppuce em fvtcetv momen em elkv tvlkusat ce hesayece tetayes. Uewvn es cv paptishoyvtet omen, Hesaketvmese em ohhompelv vfastit, Nakcokv-rakko oh onayit, Nettv-vcako vcayecit, mekusvpkv ayiyet omekv, cv hesakvres kome vker-



ricat sases. Heyv momecisem, Cesvs a oh awvte  
sekat, sulket estemerkvn tvkvpokes. Nake esto-  
mahen vfastet, mekusvpkv ayetskat tvlkusat ce  
hesayehcekos. Cesvs tvlkuset ce hesayeces. Es-  
emevpayv plest kicetv tistem em enhonrat sases,  
momis em mvtte estvmahet omes. Entisem hesa-  
yehocvre e yacet omes. Eme em puyvfekev tis  
hesayececko tetayekv, cem puyvfekev hesayececko  
tetayes. Cesvs tvlkuset naorketv pun hvsvtecet  
omes. Mv e catvt holwiyeckv omvlkv hvsvte-  
cet omes. Mekusapvlke hvlwe vpokat, hvlwe-  
este tis, momen Cesvs etsyke tis em mekusapat  
sases; momis em apohicvke tetayate estit kerre  
haks? Momen em apohicatet em puyvfekev en  
hesayece tetaye haks? "Este hunvntake Hesa-  
ketvmese em etenherkv hvmkus, mvt este hunvn-  
wv Cesvs Klist tes," Nakcokv-rakkot maket omes.  
"Momen etimv ofv hesaketv sekot omes, sutv  
elečv nake hoccfkv etv estome a hesakvke tetaye  
este emhoyvte sekokv." Momekv etv oh helcats-  
kvs. Cesvs tvlkusen em enhonrvkes. Merretvn  
ocet es likepet, naorkvlke omvlkv a ve oh awe-  
pvkes, kicet omes. Mv tvlkuset holwiyeckv en  
kvpvketv ocet omes. Cesvs tvlkuset pum vnice  
tetayofvn, estomen fekhunnet naorkvlken em pu-  
nayet es e naoriceye tetaye haks? Estimvt cem  
oh onayvre ce yaceko tetayes. Este estemerruse,  
nake vpohocvtot, este enake-ocv tis, este lvstat,

este-hvtke tis, este nake kerrekat, este hoporrenv tis, em atevke leshuset, vfusherakvn vtee, esto-  
mis omvlkvn etetih hvmkusen en huehkvkvttet  
omes. “Ekvnv yuksvlke omvlkatskat, vnen a ve  
oh hecaket, hesahokepvkes,” maket omes. Este  
hunvntake oh hecekot, cemeu e oh hecekot, Cesvs  
oh hecvkes, mv tvlkuset ce hesayee tetayekv..

#### MVT HESAYECV EPU'NOKECUSET OMES.

Hvlwe-tvlofv wihke yvmv ekvnv vlahke este-  
merke elvtet kerkuecet omes. “En hessvlke vralh-  
kvn este en hesaketv wvkecat, vnokeckv 'sen rak-  
ke este hunvnwv ocekos,” maket omes. Estomen  
hvlwe-tvlofv hvsatkusat wihket, yvmv ekvnv hol-  
wiyeckv es fvekan vlaket; puyvfekev holwaho-  
katet vnrvpvren, hvlwe-este en yvhiketv wiket;  
ohliketv herkv wiket, ena nokke cvporusen eto-  
teweklepkv oh vtvrkvrantet vlaket omvt haks?  
Vnokeckv tvlkuset omvtes. En hessvlke token,  
momis en horrvlken vnokecatet omvtes. “Naor-  
kvlke toyeye emunkof, Klist pum elvtes.” Nake  
heraken vfastet, este enokhokan cvfencicet, este  
estemerkakan etv vpeyeciccekot, “naorkvlke en  
hesset” hueroftv em vnokeckv kerkuecvtes. Ce-  
luslvme, en naorketvn hecet, em estemerketvt  
vwolicen kerroftv, oh hvkihkvtes. Elkv en nok-  
ke cvporusofvt, horkopv em vtvkhvke vtarkofv,  
em merruset em punayvtes. Momen mv svhaye

elecakateu svrvhecet em mekusapat, "Cvrke, em merrvkvs, naken kerrvkekot omakekv," kicvtes. Hvlwe-este sulken em vnicvre en huehke tetayvtes ; momis mvt elekaten omate, pu hesahokeko tetayvntos : momekv epu'nokecate vrahkvn, pum estemerret omvtes. Hvtvm rakvwapkepet omis, naorkvlke encakuse emunkvt omes. Vnokeckvt omecicen pum eten-herket, pu'ncakuset, em Puyv-fekcv pum vnicvren atotet, pu hesayecvret, merretv ofvn pu mehaket omes. Ece'nokecet, cem elvtet omes ; merretv ofvn a ec'oh hecet, a vc oh vtes, ce kicet omes. Etnv huericetskvttet omissem, em vnokeckvt ce hesayecet hiyomat es ece'lakes. Em vnokeckvt ce mehaket emunkvt, hiyomat hvtvm, "holwiyeckv en kvpvketv cv catv es nesiylvten e enake hayepvs," ce kicet omes. Cuko-yekcv tis piketsken, cen hesset ce recvphoyvre enake ocvtc omvllkvn es sumecicen omat, monkat ce hesayecvranet en hesaketv es sumecicen omat, mv cen hesse mos komekot vretske tetaye haks ? Momis Cesvs heyv emuntvlen momecvtes. Este-merkvn em eyuksv sekcn en kvpahket, hvlwe-tvlofv estofis afvckct liketskvren, ce nesatet elet omvtes. A ec'oh atet, vnattvten ce hecicet, "hecvs, naorka, ece'nokeciylvten ce'nokeciye munkes. Estemerkv momen naorketv en kvpvken ce hesayecaren a vc oh vtes," ce kicet omes. Aeha ce Hesayecv merretv es fvcke likat etv huerihcetskvs. Vno-

keckv estomahe heyv ocat cele elecv hahyetskvs. Cen Hesse etv heyv omat hehcetskekos. Mvn em enhonrvs. Mvn vnokecv. Estofis cem mer-ruset ce'neakusen eshecetskvres. Cem vhlvpvte-cicet, cem fiyatet, ece'hecicet, yvmv ekvnv em estemerretv, penkvkv omvkvvn, elkv en re tis cen kvpiyecihcet, hvlwe-tvlofvn estofis afvcken ce hayvres. Aeha heyv ce Hesayecv ece'noke-cusan a oh vtes.

#### MVT EP'OHFVTCECV TARES.

“Omvlkeyatet Klist em ohfvtceckv e homvn ersvpvklvraneyet omes.” Este hunvnwv e feke nokkuse yvmv ekvnv arvte, hvtvm Hesaketvmese rakket rvlkvres; momen “tvlwv omvklvt e homvn vtelokvres.” “Hecvkes ahologen vpaket vlakes; momen este e torwv omvklvt hecvres, momen mv sekeyakvteu hecvkvres.” Oh vkvsamvlke afvcecice estvmahet omes. Mvn e enake hayvkepvttet omekv; momen em ohliketvn oh liken hecakofvt, afackakuses, en hesse here hesayecvrane opunayvtet ohfvtcecvranekv penkvlv-kekares. Momis e enake hayeko mos komeko fullvte em ehutke estvmahe tares. Mv en hake hiyomat “vnen a vc oh awepvkes” makatet, “vn kvpvkvkes ohtvhikvkvte toyatskat” make pohetv penkvlvke estvmahet omvres. Cuko-yekev vpikvt ohfvtciyen elvranet ometon omat, este e kvncevpu-



ecuset omis, encakuset, e feke es nokkicuset en cukopericen omat, ohfvtecvranof hesayehocvren yekcen vtotkvttet, nake em momecat em onayet, “vnen vm enhonretskat ce hesakvres” kicet, cv momecekvs kometsken omat, ce recvpiye tetayes kicet, ec’ohfvtecvrane orofv, vnet ece’yoposkiyet opunvyares. Este cen holwiyeckv omat hesayeciyyte sulkas, cemeu ce hesayeciyyes. Feketv vpo-hvkos, vnokeckv tvlkuset omecices. Cem vnicare vkvsvmvs kicen omisem, cuko-yekcv vpikv nakcokvn oh onayepet, opunayepet, monkat nocepel, em apohicekon omat, hvttm rvlake munkes. Momis cuko-yekcv vpikvt mv vlakaten em e yacekot, em vretvn es kerkuecat rvlake cv naorihcetskvs kicen omat, ohfvttcecvranat oketv ohren, cuko-yekcv vpikv ohfvttceckv-cukon yescehoyen; ohfvttcecvtt em atcvken vtceet likat en hesse enca-kuse em vlakvnteton heces. Momis hiyomat em punvkv yekce haken, en heckv penkvnteton heces. Est’en hesse omet arofv em en herhoyekvntek, momusen estohfvttcecv hakes. Naorka, em ohfvttceckv ohliketv oh likehpe ec’ohfvttcecvranatet, cuko-yekcvn vpiketske tetayusen, ce hesayecetvn maket a ec’oh ates. Ece’yoposket hueyiret ce hesayecvret ce kicet omes. Hofunekon em ohfvttceckv e homvn er huervranetsket omekv, em apohiceko ahretskvs. Cem Eten-herkv omen vfeckrakketskovf, ec’ohfvttcecvranen e homv erhuerets-



kat, ce penkvlekares. Ec'oh tvhikvren ce yacekon omate, en huehketvn e enak' hayepvs. Cv feken ohceyvs kicvs, vn liketvn ohceyvs ce kicvren.

### CESVS ESTVMVN LIKE HAKS?

Cop opunayate, "Aeha estvmvn esheciye tetayat kerriyate, likate mahusan erohriyes," makvtes. Naorkv ce'stemerrusate, heyvt cem punvkv t ome haks? Cesvs eshecetv ce yacuset ome haks? Yvmv ekvnv oh arvte wihket, hvlwen ayepes. A oh awat vtekaten hesaketv yuksv sekon emvranet, mvn merretv ohliketvn oh liken hecetskes. Vyetv hopiye mahes kometskes, momis naorkv emekusapat vpakusen Cesvs pohet, em apohicet omes. Momis mvt kerretv yekce omen omat, he yvn kerrvs; Cesvs hvlwe tvlofv tvlken liket ome kos, momis yvmv ekvnv tisem hvmeccet omes. Hesaketvmeset omepekv hvmkvn aret omes. Vcvk-fullvlke em punayate "estofis ece'pakvkares" kicvtes. Estofis epu'pakes. Cesvs vcvk-ayv enokkuset en cuko ofvn wakkisem, em vhlvpvte cicvret vhueret omes. Ehkuse holwiyecv ahye en holwiyeckv em oh kerkuecat, e mehakuset vhueret, "emvhlvpvtket ayepvs, cen naorketv cen kvpakes," kicet omes. Mekusvpkv-cuko ofvton este sulke tis, nvcomuse tis nvkaftet vrakkuacet emekusvpaken omat, nake e yacakat e'mvre em ete-

takuset omes. "Estvmvn hokkoluset tutcenusus vn hoccfkv ofvn etoh nvkaften omat, mvn vnet em etenrawvn hueris." Apohica, ecc'wolicuses. Hiyome, ce torwv heyv nakcokv oh hecofv, ecc'nakuecuset omes. Ce hvcko ofvn cem wvswakes. Hopoyetskvren ce kices. Eshecetvn ce yacusen omat, hofunen e mehahket, hopiye ayetskekisem, cem vpohetv e hvcko rem ores. Ce feken eceyetvn komet, ahauke vnaftet vhuerekv, cen hesse ecc'nakuecusat 'sem vwolen ecc'wolicet omes. Estvmvn ayetske estomis, enke merretv es fvcken, enrahkv sekona a cem wiyet ecc'evk are munkvt omes. Cen hervre vrahkv cen nene vnakuecuset, cem wakketau vnakuecuset omes. Fvtcetv em vtcetv hvtken a cem wiyet hvthiyvtke cen topvn vhueres; momen ohhompetvn vli-ketskofv, tyklike hesake ce hesayece tetayaten pvpvs, ce kices. Ecc'nakuecuset omekv, a oh vtetv vliceetskofv hehet, e sakpvn es cem vnicvranet a rvtoseces. Huchketskeko emunkofvn cem ayoposket, opunayetske emunkofv pohes, ecc'nakuecuset omekv. Naorka, estvmvn aretske estomis, Cesvs mvn ares. Momekv tvlofv estomen, cen hueretau estomen, nettvtot, neretot, ce huten aret, vnrawvn, aretske estomis, Cesvs a oh vtetske tetayes.

“NAKEN OKE HAKS, CESVS A OH VTES MAKE  
OCAT?”

“Cesvs a oh vtes makate sulketot omisem, estomit vtiye tetaye haks? Hvlwen likes, momen estohmit mvn erohrit e tempunayiye tetaye haks? Estomis hvmeccicet omes mahoket omisem, hecvkokv, estomit oh ayiye tetaye haks? Yvmv ekvnv oh arvte omet aren omat, se naoricusiyis oh ahyvyes. Ayiye esfekvraniyat nake ocusiyat omvkv wiyiyit, vkerkv sulkis ahyvyes. Vnrvpkv estomet cv fekhunnihcekos. Enokhokate em wicvkucevve kome este sulkate vhepvkhece vpeyvte omit, ahyvyes. E homvn ertvklvtikit, em atcvken en hvlatit, monkat elen em otahkit, ‘Hesaketvmese Cesvs toyetskat, cv hesayecvs’ kihcvyes. ‘Cv hecekot, cv yekotketot, cvna nokketon vm wicecetskvren komit okvkos, momis holwiyeckvn vm wicecvs komis. Cv feke holwiyeckvn es enokkes. Estemerkv yuksv sekot vn hecke tetayen, Hesaketvmese en cvpvkke em elecvn hueris. Hesaketvmese cv hesayecvs, cv sumkes.’ Momis Cesvs epu’pvkekokv, estomen a oh vtetv kerrvks.” Apohica, heyv omvkv ce feke ofvn momecetskofv, Cesvs a oh vtetskvres. E homv ertvklvtike, em atcvke en hvlate, e tempunayetskat estoman ometske tetaye haks? Naken ce yacat en kerkuecatet ometskeko tetaye haks? Mometskekis kerres. Heyv’ se naoricekis, ce he-

sayecvre ce yacat en kerkuecetskes. Hece omet, ce feke omvltkusen 'svkerricet oh huehkvs. Este sulket em vfoloten vhepvkhecet oh ayvrane omet, vyvs. Este etorheceko oh huehkvte omen oh huehkvs ; "Cesvs, Tewe eppuce toyetskat, vm mer-rvs !" kicet. Yvmv ekvnv oh arof fullakvte 'sen heret hueretskes. Hopiye heren vpeye svsakvtes. Este sulket em vfoloten vwoliceko tetaye sasvtes. Este etv sekis etetayusen, e enake hayepetske tetayes. Ce pohe tetayet estofis ece'wolicet omes. Momen hecetskeko tetayet omis, eme ce hecet, naken ce yacat omvltkvn kerret, ce pohlvte munkvt omes. Efeke Cesvs em vlostat mvt oh ayetvts. Pun naorketvn kerret, pun kvpiyecicet, pum vhlvpvtecicet, pu hesayece tetayes komet, pum vnicvren em'pohepet, mv tvlkuset pun Hesse omen vfekrakkeyat, mvt a oh vtetvts. E torofv en hecekot, em punvkv en hake pohekot omis, pohet, e torofau en heceye omet a oh vvvraneyes. Holwiyeca, cen holwiyeckvn en kvpvketvn komet emekusapetskat, "Cesvs cv hesayecvs," kicetskat, mvt a oh vtetv tes.

## MEKUSVPKV OFVN VTES.

Cesvs hecetskeko tayis, emekusapetske tetayekv, em punayetske tetayes. Heyvn momeceyvren Hesaketvmeset pu kicet omes. Hesaketvmese etempunvyetv nake rakke estvmahet omes.

“Vketecet, emekusvpvs.” Opunvkv herake etelvcvke herakusekis emekusvpetvts. Ce feke ofv vkerrickv contkuse ocepe es opunvyetskekat tis mekusvpkv tes. Mekusvpkv-cukon eceyiyofvt emekusvpares kohmetskvs, estvmvto estomen aretskis emekusapetskēs. Naorkvlke emekusapat Cesvs em apohicet emchake munkvt omekv, kerreko sahsekos. E hvcko estofis hauket omes. Mekkvke heceskvntot, hvttm hecvkis, este nvcomuset em punayet omekv, em punvyetv yekcetvts. Momis estemerhoyuse estomis omvlkv estofis Cesvs emekusvppvkepe tetayes. Naken cem puyvfekv en hervre kometskat, emekusvpvs. Holwiyeckv en kvpvketvn, ce feke mucvsen, vkvsvmkvn, hvsvtketvn, emvhlvpvtketvn kometskis, emekusvpvs. Ehvperkuse emekusvpetskeko tetayes. Emekusvpkv yv omakat ayoposhokvres komvranetskat tvlkus. Hesaketvmese tis nake momeceko tetayat svstakes. Naorkeko tetayuset omet, naorkv emekusapat em apohiceko areko itayuses, em apohicares makepvtet omekv. “Vpohatskof cen heckvkvres,” Cesvs makvtet omes. Momekv mekusvpkv vyekcvkes. Cv herekot, vn yekce tis sekos kometskis, emekusvpvs. “Hesaketvmese cv sumkvranes, cv hesayecvs” maketv tvlkusen maketskis, emekusvpvs. Mekusvpkv sevmunk hayvs. Estvmvn cen tvlkuse vretske tayat hopoyvs. “Emekusapetskof, cen cu-



kucen ecehyet, ahauken akhottvs." Nettv vtotketv vliceceko munken alihket, emekusvpvs. Hesaketvmesen ce feken em enramet, ce hereko, cen yekce seko, ce'stemerre hueretskat em oh onayvs. Cen naorketvn en kerkuecet, holwiyeckv en kvpvketvn vpohvs. Nakcokv-rakkon oh onayet, hvsvtketv mv opunayecan vpohvs. "Hesaketvmese, naken kerrvkos, vm mahayvs. Cv feke wvnhet omes, vn lowvcecv. Cem Puyvfeckv teropotten mvrakhvn cv hayvs. Cesvs a oh atet, oh vkvsamet, vnokecet, nake cv kicaten momecetvn vm vnicvs. Naorketvn vn kvpiyecicet, hvlwe-tvlofv em etetaken cv hayvs," kicvs. Momen vtotket, aretske estomis, ce feke nettv omvlkvn tewolusen Hesaketvmese vkvwapkekv. Ayoposketv lvpke heckekis, emekusapetske munkofv, heckvranat tvlkuses. Puyvfeckv emekusapat sumikekos. Ce sumikekos, melenwicuset Cesvs oh huchketskat, "Hesaketvmese vm merrvs, naorkv toyis," kicetsken omat.

#### MEKUSVPMKV EN FEKHVMKETV OFVN VTES.

Nake hocvckvte holwiyeckv es fvcke pume omat mekusvpmre em etektvnnkat estomahet omes. Nake toyeyat e vkerricet, Hesaketvmese vkerriceyat, pu penkvlakuset a oh vweye tetayes. Momis fekhvmketv ofvn, merretv em ohliketvn a vweyvren, pu kicet omes. Hesaketvmese vrakkue-

cekot, e kvncvpuecekot vweyvren okelos, momis Hesaketvmeset pum apohicvres kometvt, ep'oh fekhvmecivren okes. Mekusvpkv ayoposhokat eskerkv sulket omes. Hesekiyv mekusapan, Senakelep em estvlke pvsatkvtes. Elicvt mekusapaten, totkvt hvlwe a hvtpkvt nake ohnokriekv nokricvtes. Cesvs vcvk-fullvlke tate emekusvpakofv, Puyvfekcv Hvsvtkat a oh hvtaPKvtes. Mekusapvlket mekusapet vpokofv, Petv, cuko-yekcv pikat, Hesaketvmese em estet a ossicvtes. Nake vpoheyat omvlkvt pun heckvres komeko tetayes, nake pun herekis vpoheyet okv. Momis Hesaketvmeset nake pun hervre pu'mvres komvrane-yat tvlkuset omes. Momis holwiyeckv en kvpvketvn, hvsvtketvn, hesaketvn, nake pum puyvfekcv 'sen hervren vpohen omat, pum apohicvranat tvlkuset omes, eme komat vcvkayen nak' vpohen omat, pun heckvranen, pun kerkucevtes. "Vpohatskof, cen heckvkvres," Cesvs makvtes. "Cv hocefkv ofvn naken vpohatsken omat, mvn cem momecvkares." Epu'rahkv emekusapes. Pum emekusvpkv herake mahat tis, Hesaketvmese em apohiceko tetayes, momis Cesvs vrahkv pum apohices. Mekko tis opunvkv ohtotetsken, este ce kerre sekou, cem vtcevt tis lesehuset omen, ohhotcicetskat holwahoketon omat, vm apohicvr haks? kometskēs. Momis eppucet vlahket, "Vnet cem punvkv soh ayit nake vpohat em momecvs

kicares," ce kices. Cesvs momecet omes. Pum emekusvpkun Erken soh ahyet, "nake vpohaten em momecvs," kicet omes. Naorkv hvkihke, ce feke cen nokkusate, afvckvs. Cen Hesse ocetskes. Cem mekusvpkv hereko estomis, Cesvs ece'rahkvn mekusapet omekv, cem apolihoce emunkvt omes.

## VKVSVMKV OFVN VTES.

Nakcokv-rakko ofv vkvsvmkv opunvyecat sulket omes. "Vkvsvmkv eteropotten pu fvtcvke hakes," momen "vkvsvmkv eteropotten pu hesahokes," momen "Hesaketvmese Cesvs Klist oh vkvsametskof, ce hesakvres" maket omes. Cv'lawusen, vn hesset nake amet tvklikets cv kicen, yomucke tis, ehsit hompin omat, mvt vkvsvmkv tes. Em punkvvn em vkvsamikv. Cv nokketon, heleswv cen hericvres cv kicet vmhoyen, eskin omat, vleckv en nak' kerretvn em oh vkvsamikv, mvt vkvsvmkv tes. Este naorkv vrahkvn elvranet Cesvs yvmv ekvnv vlakvtes. "Vnen vc oh vkvsvmvs. Naorketv en kvpvketv esfvcken cen heckueciyvtet omekv, recvpket vrepvs. Cv catv mahusatet nesvtet omisem, enrahkv sekon cawepvs. Nake ce kiciyaten momecet, vc vhecicekvs kometsken omat, elkv estemerkv yuksv sekat en kvpvken ce hesayecares, heyv momeciye tetayet omekv. Heyv tvkliken papetsken ornat, ce hesake munkv tares. Heyv heleswv cem payvfekv

em enokketv em wicecen omat, estofvn ce'hlekos. Vnen a vc oh vtes, momet vc oh vkvsametskof, ce hesakvres." Cesvs naken makat momecvres kometvt vkvsvmkv tes. Cesvs a oh vtetvt vkvsvmkv tes. Ece'rahkv elvten vkvsahmet, e enak' hayepvs. Cuko-yekcv ahauke cen hawecat, vkvsahmet, ossiyet hesakepvs. Cen sapokv kvwvpe-tv vkvsamuset omekv, oh vkvsamet cen naorke-tvn mvn oh wikvs. Ece'huere omvlkvn fekvtes. Afvckepvs. Hesaketvn es cem vlaket, "cemet kometsken omat, cenake hakepvres," ce kicet omes. Cenke arvtosehcet, ce feke afackusen esepvs. Este nake yvmahkuecv omet, ce hutten en hopiyecetskvtes ; momis rafulketskvre Cesvs etetakueces. Mv vrahkvn Cerke, rafulkepvvs, ce kicetv vkvsvmes. Mvn vkvsahmet, "akvwvpikit Cvrke oh ayares" makvs. Cehe tis, ce hiwv tis, cen hopoetakuce tis nake maketskat vkvsvmvre ce yacet omis, momen vkvsvmeko witen omat, cen hehrekos. Momekv Cesvs, "Naorkv ce'stemerrusate, ce hesayeciye tetayet, ce hesayecetv vkvsvmiyes. A vc oh vtes" kicat, vkvsvmvren komet okes. Em opunvkv vkvsvmeko are elesecih-cetskvs. A oh awat vtekat omvlkvn hesayece tetayet omes. Cv holwiyecetvts komet, vtetskekon omat, cv hesayeceko tetayes maketske etvpomuset omes. Laksecetske etvpomes. Nake momecares makvte momecvres komet oh vkvsv-



mvs. Hiyomofvn oh vyvs. Hesaketvmese vkv-samis, vkvsvmetv ocvkan vm vnicvs. A ec'oh awat vtekat hesayecetske tetayet omekv, cv hesayecvs, kicvs.

CE HOLWIYECE HUERETSKAT EM MUNKET  
VTES.

“Cv holwiyece momvtekiyat, estomit Cesvs hv-satkusat a oh vtiye tetaye haks? Este vne omat a oh vte tetaye haks? Mehakit cv here hakofvt vtvko taye haks?” maketske wites. Naorkv ce'n-cakusiyate, cen holwiyeckv mahusatet cen heretv tes. Nake v'mvnvtteces kometskat mahusatet cem vcahnat tes. “Cesvs Klist naorkvlken hesahuecvranet yvmv ekvnv vlakvtet” okv, momekv ceme omaten hesahuecvranet vlaket omvtes, “este fatcvlke tokon, momis naorkvlke naorketv en kvpvkvren” en huehkvranet vlaket omvtet okv. Este fatcakusat sahsekos, momis pu fvtces komat sases, mv omat e enake hahyekos. Awen omat, pum munkv es svpakleyat asvvranceyes. Naorkvlke toyet, Hesaketvmese em ahakv kvceyeyvtet omes. Hecke naorkeyat etvpomen, pu feke ofvn naorket, Puyvfekcv elesecicet, Cesvs em vnokeckv pu yaceko omet svpakles. Nake estomeyat vtekat holwahokey vlket omes. Pume etavv hvsvtke e hayeko tetayuset omes. Momen, hvsvtke e omecet Cesvs a oh awen omat, svhayet omeye tetayes. “Epu'caket, nake ocetv sulecet,



naken pu yaceks" komekot, "pu'stemerhoyet, naken ocekot, pu heceko" etetayuset vwvraneyet omes. Hiyomen Cesvs a oh awet, pum estemerketvn em oh onayvraneyes. Opunvkv svhopakv opunayat, este cv fvtces kome, Hesaketvmesen vkvsamet este vpvlvv sen heriyes kicvten, opunvyecvtes ; momen este efeke kvncapuse, e torwv hvlwe vkvwvpetv enkvsvmkuse, e hokpe tepke, "Hesaketvmese vm merrvs, naorkv toyis," kicvten opunvyecvtes. Heyvt emvhlpvtket e hute oh ayepvtes. Momen Cesvs pum merrvren pu yacen omat, matvpomen oh vpeyvraneyēs, "Hesaketvmese vm merrvs naorkv toyis" kicet. Momen cv here hakvres komet, mehakvranekot omes. Pum puyvfekev eteropottet naorketvn esvholwakekv estomecet hvsvteceko tetayuses. Hesaketvmese Eppuce e catv tvlkuset pun hvsvthice tetayes. Pume etawv here e hayēko tetayuset omes. Cesvs a oh awayof, heraken pu hayvres. Enhvteceskv nake estomeyat Cesvs a oh vwvraneyet omes. Momekv naorka, vtes. Hvtetusat cv here hahket vtarek kohmetskvs. Mehaketskis, hiyomofv 'sen here hehcetskekos. Cen holwiyeckv kerretskat 'sen heren Cesvs kerret omis "Mehakvs," makekot, momis, "Vtes," ce kicet omes. Momekv, cen holwiyeckv, cem estemerketv, ce feke em wvnhe 'somvlkusen a soh vtes. Ce holwiyece hueretskat emmunket vtes.

“MOMIS CV HEREKOT OMEKV, FVTCVN VTVKO  
TAYES.”

Este heretv oricet sases kometsken omat, cem myttet omes. Este heretv orice sahsekos. Pal, Petv, Cane esyomat tis heretv oricvkekates. Momis Cesvs vnokeckv es fvcket omekv, pu hervkeko momis, omvlkeyan awvkes pu kicet omes. Pun naorketv es pun tvcke omecekofvn, estoman pumet 'se en tvceciceye tetaye haks? Ce herekot, ce holwiyeceton kerris, mv vrahkvn “A vc oh vtes” ce kicet omes. Momekv cv hereks kometskat vrahkvt a oh vtetv ce fekhunnihcates. Cv'lawusekv hompvko tetayes, cv'stemerrusekv vm vnihocvre cv yaceks maketske etvpomes. Ce herekatet omecicen vtetske tetayes. Momis fvtcun vtvko tetayes maketskes. Momekv estomen vtetske tetayat, momen vtes. Cesvs, “Letket, monkat yvkapet a vc oh vtes,” maket omekos, momis, “Vtes,” makat tvlkuses. Estomen atetske estomis ce'sepvres; yopkuset, hvlket, atetske estomis. Momis holwiyeckv en kvpakiye cv feke es nokkiciyat oricvkon omes, maketskes. Estofvn orihcetskekos, ohvtvlake emunkvt omvranet okv. Holwiyeckv en kvpvketvn oriceyeton pu hesahoket ohmekos, momis Cesvs elvte vrahkvn pu hesahoke tetayes. Vnokeckvn oricvkon omes, maketskes. Hvlwe-tvlofv eroretskofvn, cem vnokeckv esfvcke tares. Hesaketvmese vnokeceyat

vrahkvn pu hesaket ohmekos, momis eme epu'no-kecat vrahkvn pu hesahoket omvres. Vkvsvmkvn ocvkos, maketskes. Mehenwv tes, mekusapv vtekat mekusapat, "Hesaketvmese vm vkvsvmkvn ohvtvliyvs," kicvrane vlket omes. Momis mehenwusen hesaketvn komet, Cesvs oh hecetsken omat, heyvt vkvsvmkv tes ; momen, ce yekce seko estomis, mvn ocetsken omat, ce'stemerrikekos. Momis cv feket wvnhet omekv, oh huehkiyat tvlkusat vm apohicekis omes, maketske wites. Simv Mekv kicetv en hueretv tatet cem vcahnckvs. "Hesaketvmese e homv e feke herekot omvtes." Erkenvkvke enke este oh wvkecakof, Puyvfeckv Vcakat este en hecken hecvtes. Momet, "vneu heyv yekcetv v'mvkes, momat estimvto estomen cvnke oh wvkeciyat, Puyvfeckv Vcakat en heckvren," maket, cvto-konawvn esfekvranvtet okv. Momis, "cvto-konawv ecc'paket sumkekvs, Hesaketvmese nake est'emat cvto-konawv es nesvke tetayes kohmetskekv," Petvt kicvtes. "Heyv nake epu'pvketskekos, momet ocetskekos. Momekv heyv holwiyeckv ce feke es nokkicet, en kvpvkvs, momet Hesaketvmese emekusvpvs, ce feke em vkerrickv cen kvpake wites." "Mehenwusen Hesaketvmesen emekusapetsken omat cen holwiyeckv cen kvpakes" kicatet okvtes. Cen hueretv heyv 'sen holwvkeko tetayes, momat Cesvs a oh vtvre em vcakhonet omvt tis. Ce feke

kvncapusen a svtes cem wicecvren. Fvtevn vtetskeko tetaye estomis, estomen vtetske tetayat, vtes, Cesvs etv ce huericeko tetayuset omes.

‘MOMIS ENHOPOKVTE TOYVKIS OHME WITES.’

Hiyome vkerrice es ce penkvleko tetayuset omes. Hesaketvmeset, monkat hvlwe-estet, monkat Nakcokv-rakkot heyv ce kice haks? Enhopoke maketv, naketon omat, Hesaketvmese em vtotketvt omepes. Hesaketvmese em vtotketv chkvke ocat, 'se naoricekot, ceme cem vtotketv kerkakuse ocan vfvstvs. “Nake chkvke ocat Hesaketvmeset omepes; momis nake kerkvke ocat, heyv ahakv em opunvkvn es vfvsteyvren, punakets.” Nake kerkeko ocan wihket, kerkakan vfvstvraneyet omes. Hesaketvmese komaten momecvraneyet omes. Momen heyv ahakv kerkuset omes. Enhopokvte toyetskeks ce kicat sekot omes, momis Cesvs ecc'rahkvn elvtet omen, mvn a oh vtes ce kihoe emunkvt omes. Momekv enhopokvte vkerrickv 'se naoricekot, momis Hesaketvmese nake ce kicaten vkvsamuset lypecicet momecvs. “Cen holwiyeckv omvlkvn cen kvpvken vpvlahtet, ce feke mucvsen, cem puyvfekcau mucvsen hayvs. Cem vyetv holwahokan en kvpvkvs. Cen holwiyeckvn en kvpaket, Hesaketvmese em opunvkvn vkvsvmvs. Hesaketvmese Cesvs Klist oh vkvsametskof, ce hesakvres.



Vpohetskof, cen heckvres; hopoyetskofv, eshecetskvres; vnafketskof, a cen haukvres. Hesaketvmesen vnakuecetskof, emeu ece'nakuecvres. Estimvt a vc oh aten omat, etv huerihcvkos," maket omes. Hesaketvmese ce kicaten momecetskof, ce hesakvranat tvlkuses. Ce'stemerrusofvn, este nakocv hvmket, este estemerrvlke nake vm'pohaken omat, nak sulken ehmvyes, maken omat; "vne'svc vhonkvtkekis omet okv, vpohvko tetayes," mahketsketo haks? Mohmekos; "Svc vhonkvtkeko estomis, este estomis okekvt, vpohares," maketskes. Hesaketv yuksv sekat ohfvtev ma etvpomen vpohvs. Cv hocfkv Hesaketvmese en nakcokv ofv escoket ome hakes? kome, 'se naorihcetskvs. Naorkv toyetsken omat, "Cesvs naorkvlken hesahuecvranet vlvkvttet omekvt," cemen cen huehkes. Huehketv este omvlkvn vrvheces. "Estimvt komat uewv hesake enrahkv sekon cvwepekvs." Cesvs opunayat, "Nakcokv hesake ofv ce hocfkv escokvkatet awepvkes," maket okekates, momis "Vtotke cen honhoyusvkatet omvlkvtt awepvkes" maket okvtes. Naorketv es cen honneton omat, Cesvs a oh atetskofv, ce hesayecvres. Cesvs a oh atetskof, ce hocfkv nakcokv hesake ofv escokvres. Cesvs a oh atetskofv enhopokvte omen ce'svres; momis vtetskekon omat, ce sumkvres.



“MOMIS VKVSVMKVN OCVKOKV OMES.”

“Vn naorketv vn kvpakat kerrvkokv, cv hesake tetayat kerrvks. Estemerkv yuksv sekat en kvpvke cv hesakat kerris, momen vc ofv nake fvtcv ocat kerris, makat sulkes. Emvhlvpvtketv eshecvkepet omisem, vne eshecvkos. Penkvlvk cv fvcket, vkvsvmkv ocvkot omekv, Cesvs cv’sepakis omes, komis,” maketskes. Vn hesse, nake hokkolat etemvrahke estvmahet omaten momvlkusen hayetsket omes. Vkvsvmkv opunvyecetkot, naorketv vn kvpakes kome kerre vretvn opunvyecetskes. Naorketv vn kvpaken hvlwe-tvlofv eceyiye tetayes komet kerre vretv heret omisem, heyv vkerrickv oceskis, vkvsvmkv ocvke tetayet omes. Naorkvt omet, Cesvs cv hesayecvres kome, a oh vtetvt vkvsvmkv tes. Vkvsvmkv eteropotten pu hesake tetayes, momis kerretv eteropotte pu hesahohkekos. Kerretv oca-kisem, vkvsvmkv ocekat sulket omes ; momen vkvsvmkv ocisem, kerretvn ocekat sulket omes. Perron oh piket, uewvn sakaretsken akvhopvni-ken ’se hvlattet vtarketskof, uewvt ec’oh meloken omat, perrucen a sec’oh awhoyan here hayvkvttet omet, hopvnkeko tetayuset omen, kafvlkeu heraket, res ece’cayvke tetayet, a pum ohpikepvs ce kicaken, mv perro vtarketskat hofunekon omvlkvt wokockvranen kerret ; mv perruce res ece cahoye tayat kerret, ohpiketskes. Momis ueme-

lohlvt nafket rakpvlvromen, ce penkalet, cem penkvlvk cem wikekon rvcake wites. Perro oh-piketskat, mvt vkvsvmkv tates, momen oh piketskof ce penkalat, mvt kerretv ocetskekat tates. Ce penkvletot omisem, perro-kafvlke penkvlvkeko nake en nokkiceko tetaye fullat etvpomusetskvtes. Ce penkalat cem vhlvpvttketv cen sumecicet omisem, nake cen nokkievranen omekates. Hotvle rakko em ofv etetayusen fulles. Pun naorketvt fvtcetv en hotvle rakkon akvwapes. Aha-kvt en tvhiketvn 'sep'oh tenetkes. Estemerkvt a pun haukes. Momen Cesvs mv perruce omes. A awet es cem ehvlvtkv taken en kvpvkvkes, ehvperkvt omes, momet vnen vm e wikkvs pu kicet omes. Cen naorketv vkerricetskat ce penkaluset, cv hesakeko tetayes kometskis, mvn em enhonret, oh vkvsametskof, ce hesakvres. Momekv e emvcahnepvs. Cesvs vm vnicekat cv sumke tetayuses komet mekusapetskat, "Hesaketvmese cv hesayecvs, cv sumkvranes," kicetske haks? Mometon omat, vkvsvmkv es hesaketvn ocetskes; mv vkvsvmkv Pal opunvyecat, "Hesaketvmese Cesvs Klist oh vkvsvmvs, momen ce hesakvres," makvten Estimvt hiyomen Cesvs a oh aten omat, sumikekos.

#### CE MVNETTAKVKATET, AWWKES.

Aphica, ce mvnetteto estomis, Hesaketvmesen em e wikkvs. Ceme ece'rvhecusat opunvkv oces,

“Lvpke cv hopoyat es cv hecvres” maket. Eme-  
kusvpetv cv mvnette mahes, “yvmv ekvvn esto-  
misis es afvckehpvres, cv homv etektvnke sulket  
okv,” kometske wites. Mekusvpetv cv mvnette  
mahes kometskisem, holwiyecv toyet, ce’le teta-  
yet, estemerkv akhvtvpketske tetayes. Ce hesa-  
ket ece’culvranekis ome wites. Ceme cem mv-  
nettetv ome pvsvtkvte sulkes. Este hopelkv ocv-  
ken aretskat, sulket este mvnettvlke en hopelkv-  
ton hecetskes. Hiyomis elkv ce celayetv emete-  
takepis omepes. Aæha! momekv hiyomofvn Ce-  
svs a oh vtes. Mekusvpkv em afvcketv sahse-  
kos kometsken omat, cem mvtte estvmahets. Mv  
tlvkuset mehenwuse afvcken ce haye tetayes.  
Mvnettvlke sulket eshecvtes, momen, mekusvpkv  
em afvcketvt holwiyeckv em afvcketv ’sen heres,  
ce kice tetaye vlkes. Cesvs a oh atetsken omat,  
heyv fvteyton, kerretskēs. Yvmv ekvvn em afve-  
ketv se afvcecice fullatet, eme em estvlke ’sen  
heret fullekvs kome tetaye haks? A oh vtekat  
nettvt hvmkuisis yvfecicetske tetaye haks? Hiyo-  
mofvn vc oh vkvsamet, nake ce kievkiyan mome-  
cvks pu kicet omes. Vc vculof naorketv en kv-  
pvkares maketskes. Momis Hesaketvmese em  
Puyvfekevvt pum vnicvranet omes. Cv mvnettof  
Puyvfekev-holwakaten em vtotkepiyvten, elkv  
vwolicof Hesaketvmesen oh folotkares maketsken  
omat, Hesaketvmese em Puyvfekev v’mvres ko-

metske tetaye haks? Heyvt Puyvfekcv e en kv-piyecickv toko haks? Vculahke en yupv mvrakhv hakat nvcomuses. Ce mvnettofv Cesvs a oh vtetskekon omat, vtetskekon esmunkehpe wites. Mehaketskofv, Este-nekricvt vtotkes. En svlvfke toyetsken, eswvnakv es ce wvnayatet yekcen cokcoret ayecices. Naorketskat vtekat cokcorke hvmken ohvtvlayet ayecices. Hiyomof en kvpv-ketskekon omat, ce yekceko haken, eswvnakvt yekcvke mahe hakof, estomet en recvpketskvr haks? Aeha! momekv, "hiyome ce mvnette hueretskof ce Hayvten vkerricvs." Cesvs a oh vte-tvn ce yaceton omat, hiyomof vtes. Nake cen hereko hueretskofv cem fiyatet, ce feke cen nokkof cem vhlvpvtecicet, penkvke hueretskof ece 'hecicvres. Cen hesse heyv omat e enake hayeko nettv hvmkuis sumecihcetskvs. Hiyoman vteken, "Cvrke, vm mvnettetv em fiyatv toyetskes" kicvs.

VCULKV METOH ETENRVWV ORICAT, MOMEN  
ECE'CULAKVKATEU, AWWKES.

Cen nettv en hvthiyvtke hoyvnepes. Ekvv-hvl-we oh onvpvn roh osset, monkat pvlhvmken rak-hvtapketske hakes. Pvfne hopelkv oh ayetskes. Yvmv ekvvv aretske es cen hervranaten vtotketv vyekcet, se ohvtvliyetv vtekat vkerricet assepet huerepetske wites. Momis nake kusvpke mahe ocat ce hohsates. Nake oceye seko estomis pun



heres, momis Cesvs ocekon omat, estohmekos. Cem puyvfekev hesakvranat, mvt nake hvmke ce yacat tes. Yvmv hesake aretskat nake es cen hervre vrahkv ohrolope sulken vtotketsket omisem, mekusvpkv vfvstetv etektvnke eshecetskeko emunkes. Cem vtotketv rakke mahat vliceetskeko munkes. Momis nake etv estomeckv tokot omakes. Epu'caketot, pu'stemerruse estomis naken pun lopicekares ohrolope vnvcomusekot hoyvnof, momis Cesvs a oh awen omate mvt pun lopicyres. Ece'folotat sulket pvsvtkvtes. Ece'nakuecylke, cen hessylke, vpake nakcokv hecetskvte tis sulket en hopelkv ofvn lumhes. Eto em ette hayeko omen ce tahcet emetetaketskeko munken ce sumecihoce tetayisem, cem merret, ce hesayehoces. Hesaketvmese cem ehakvte hoyvnepvranusis omes. "Tahcet vwikvs, estomen ekvnnv vhopane haks?" maketv opunvkv ossvranusis ome wites. Ece 'culice tis ome wites. Vn hesse, nake sulket emetetakvs ce kicet omes. Cekv esse hatke, cen yekcetv tis cen yupvklatkatet emeyuksv vwolicus ce kicet os. Hopelkv onvpusan oh aretskes. Mvnettakat hesahoket etefullen ohrolope sulket hoyane wites, momis ceme ce momeko tetayuses. Lvpken hofunusekon ce'lvrant omes. Acha! Cesvs em ohfvttceckv e homv erhueyirvke, nettv-cakuce tis, erkenvketv tis, mekusvpkv vfvstvke tetaye etektvnke sulke mos komeko ohhoyvne-



cicvkvtē vcvkaye est'ohfvtevrānat vkerricetv penkvke estvmahets. Acha momekv Cesvs a oh vtes. Hvse-vkerkuce hvmkusis sumecihcetskvs. Mekusvpkv vfvsteko aretskat ce feke wvnhecetskes; momis ce feke orusen Hesaketvmese em Puyvfekev cem vnicvren em'pohetsken omat, cem momecvres. Em apohiceko hofune mahen vretskvtetot omisem, Cesvs cem punayat fekhunneko munkev oketv hoyvneko munkes, "Vnen a vc oh vtes" ce kice munkes. Ecc'nokece munkes. Ce hesayecetv emehake munkes. Momekv mucv vtekat mos komeko ahretskvs. Ra hecvs. Elkvt ce'ssecat, ece'wolicuse hakes. Ohfvteckvt eyopusan aren, estemerktv a vcvk ares. Ce cakvkvrānuses. Hiyomofvn Cesvs oh letkvs. Cesvs a oh vtes. Mv tvlkuset ce hesayece tetayes.

#### VCEKELLV, CEMEU VTES.

Cesvs a oh ahtofvt, hvtvm yvcekelltskekv, cen hueretv mvrāhkes. Cesvs oh ayetskvtet omekv, momis hiyomat em vhopiyecetskes. Cen naorketv rakke estvmahets, Cesvs em vnokeckv ohkerrvtet omofvt, wiketskekv. Mekusvpkv ohkerreko fullakat etektvnke 'sen heren, 'sen rakken hecetskvtes. Hesaketvmese em estvlken soh vhoukv-tiket, mv hompakaten hompet, vretskvtetot omisem, en sumketskes. Emekusvpekot ohhoyvne-cicet, Hesaketvmese em punvkau etempunayekot

oh hoyvnecicet, ehkusen vcekelletv vliceetske witvtes. Monkat nake ece'nrapat Cesvs cem vni-  
 cvre oh ayekot em e wiketske witvtes. Hiyomis  
 mekusapv omet aretskes, momis ce feke Hesake-  
 tvmese e homv herekis ome wites. Yvmv ekvnv  
 nake ocaten em vlositet aret, "Este hunvnwv es-  
 tomet ymv ekvnvn em vlosten omat, Erke em  
 vnokeckv ohcekos," make ocat ome ce hahke wi-  
 tes. Momen mv res en hoyvnen, naorketv kerke  
 tis vfvstet, vlesketvn mekusapv en hocefkv oh  
 vlakuecetske wites. Vcekelletskekate nake hera-  
 ke vfvstetske tetayvte momecetskeko tetaye co  
 hakes. Vcekelletskate vrahkv vpvlwvt en herv-  
 keko haken, "estomiyatet cv hesakvr haks?" ma-  
 ke vpohakateu 'sen tacketsket omes. Ece'rahkv  
 vpvlwv oh merrvkvttet omvranvte, ece'rahkv oh  
 tvhikvkvten hahketskes. Momen mv res emun-  
 talat, Puyvfeckv Vcakat elesecicet, Cesvs oh mu-  
 cvsecet elecetske omes. Momis Cesvs ra vc oh  
 vtes ce kicet omes. En sumecvten hopoyet omes.  
 "Aeha Eslevl toyetskat, Hesaketvmese cen Hesa-  
 ketvmesen ohfulkvs" maket omes. "Pun naorke-  
 tv omvlkv pum vkueyiyet, merretv ofvn pu ca-  
 wvs, kicvkes. Em vcekelhoyvte em wicecvkares,  
 momet vnokecvkares, vn cvpvkke vn sumkepekv.  
 Hopoetake vcekellecvlke afulecvkes, momen cem  
 wicecvkares, merretv es fvcket omikv. Cen naor-  
 ketvn em oh onayvs, Hesaketvmese cen Hesake-

tvnese vnaorketskvtet. Acha! hopoetake vcekel-  
lecvlke afulecvkes," Hesaketvnese maket omes.

Heyv opunvkv herakusan vkerrievs. Eppuce  
yvmahkv svhopaye Cesvs opunvyecvnton vkerri-  
evs. Mvcahnetv 'sen here ce yace tetaye haks?  
Cesvs en sumketskvtetot omisem, hvtvm a oh  
vtetske tetayes. Enhomv ce'setv vkvsamvte etv-  
pomuses. Momekv vcekelle hueretskat fekhun-  
nvs. Hesaketvmesen ohfulkvs, "estomen ce'lv-  
rane haks?"

NAORKV ENHONRKV OCETSKEKATE, CEMEU  
VTES.

"Hesaketvnese em merkv vne vc vrvheceks,  
este vpvlwvn vrvheces, cv holwiyece mahekv.  
Etektvnke vcahnetv sulke ociyvte mos komvkot  
oh hoyvneciciyvtes. Hesaketvmesen vnrapit,  
nake vkerrievyat cv fekeke tetayat vfvstiyvtes.  
Merkv vne vm oceko tetayuses," maketske wites.  
Naorka, apohievs. Hesaketvmeset opunayat,  
"Cen naorketv cahtakuse estomis, hetote en hvt-  
ke ome hakvres," maket omes. "Hesakiyat etv-  
pomen, naorkvlke em elkv es afvckvkos, momis  
rafulecet hesahokepvren. Afulecvkes, afulecvkes,  
estomen ce pvsvtkvranvke haks? Naorka, apo-  
hievs; "Cesvs Klist e catvt naorketv omvklvn  
pun hvsvtect omes." Naorketv omvklvn, mo-  
mekv cen naorketau cen hvsvteces. Apohievs;

“eme eteropotte Hesaketvmese a oh awat vtekat omvltkvn hesahuece tetayes.” Momekv cemeu ce hesayece tetayes. Naorkvlke 'semevpayv tis hesahuece tetayes. Momekv cemeu ce hesayece tetayes. Tewe este elecvtte tis. Petv ohkerreko eokicvtte tis, horkopv eto-teweklepkv oh vtarkvte tis, sulke elecvtkes makakvte tis, Pal mekusapvlke vnrapv huervte tistem, omvltkvt hesahokvtes. Momen mv hesahuecvtet cemeu ce hesayece tetayes. Naorketv vn kvpvkeko tetayaten vfvstiyvtes kometske haks? Naorketv en kvpvketv vkerricetskatet mv vfvstetskekat kerkuces. Mv naorketv estimvt vfvsteton omat, estofvn en kvpvketv vkerrihcekos. Nakcokv-rakko pumonayat, estimvt en naorketv vrahkvn efeke es nokkicen omat, en naorketv en hvsvtkvres; momen estimvt merretvn hopoyen omat, eshecvres. Momen Cesvs opunayat “Estimvt a vc oh aten omat estomvten etv huerihcvkos” maket omes. Momekv naorkvt en naorketv en kvpvkvren komet, Cesvs a oh aten omat, naorketv en kvpvkeko tetayat vfvstekat mvn es kerreyes. Hesaketvmese momecares makvte vrahkvn, naorkvt hesaketvn komet, Cesvs a oh aten omat, em merrvranat tvlkuses. Naorka, afvckvs; sumecvten hesahuecvranet Cesvs vlakvtes, momekv cemen ce hesayecvranet vlakvtes.



NAORKV MOS KOMEKO ARETSKATE, CEMEU  
VTES.

Hesaketvmesen vnrvpet—elkvn pvnfen oh ayet—estemerkv akhvtvpkvranskat—mos komekot aretske haks? Apohica, yvmv ekvnv nake ocetv kome'se naorice em eyuksv seko vpokvranat mos komekot vkerriceko fullat toyetske haks? Vpo-hetv este penkvlecuse tetaye Cesvs vpohvten vkerricvs. "Este hunvnwvt yvmv ekvnv omvl-kvn e enake hayehpet, momen em puyvfekcvn su mecicen omat, naken en lopice tetaye haks?" Este sulket ykvvpaket vpeyet, afackakuset, pvk-pvke tis mvmaket vpeyet, vkeleften roricet omat, hvmkvntot a aklatket pvsatken hecetsken omat, "Fekhunnvks, fekhunnvks! cen hesaketvn vrak-kuecatsketon omat, afulecvkes" kicetskeko tetaye haks? Heyv emuntvlece estvmahen oh ayetskes. Uchuse totkvt ce'leevn ahaukes momat mos komekot oh ayetske haks? Cesvs a cen huehkat, "Afulkvs, afulkvs, estomen ce'lvrane haks?" ce kices. Momis penkvlv hecetskekos. Ece'fvcket, vn hervres komet, aretskes. Uewv tis vkelefte a latkat oreko munkat heruset fihnes. Matvpomet cen hueretv omes, momen estemerkv yuksv sekon raklvtkvranskes. Vketecvs, estemerkv en fenke ofvn er ce tvkvhonehce wites. Oketv hoyvneko munken e vhonecicvs. Cesvs cem vni-cetvn maket omisem, mos kometskekos. Mos ko-



metskekot omisem, penkvlken hueretskes. Cen hesaketv vtekat penkvlkes. Estvmvn aretske estomis, ce huten liketskis penkvlken hueretskes. Nettan nake vfastet aretsken, nereton nocet waketskis penkvlkv ece'nakuecuses. Nake cem ohvtvlvke heren, ece'rakkuchocen, estos komekot aretskis, cen hueretv penkvlket omes. Yvmv ekvnv em vtotketv 'se afvcecicet, holwiyeckv tis vfastet vkerrickv es sumecicetskis; cvpvkktv, elkv, estemerkau em penkvlkv ofvn hueretskes. Acha! Cesvs oh letkvs, mv tvlkusen vhesakvke tetayes. Hesaketv vyetv ahauke hauke munkof, vyvs, hofunekon akhotkehpen, ehvperkvn vnafketsket okv.

HIYOMOFVN VTES, PVKSE YEKCE MAHVRES  
VTETV.

Hvtetis mucv nettv etvpomusen holwiyeckv en kvpakvkes kometske wites. Heyv vkerrickv penkvlket omes. Nake tewoluse pohetskat cem vkerrickv oh fekhunnicekot, mos komeko ce hakes; mekusvpkv matvpomet omes; pohetskis vfvs-tetskekon omat, hofunat mos komeko ce hakes. Cesvs opunayat, "hecvkes ahauken vhuerit, vnafkis," maket omes. Erkenvketv, nakcokv, opunvkv, este em vkerrickv, nake este pohat cfcke en nokkicusat tisem okes vnafke makat. En hake pohetskat ce feksumecicetot omisem, akvwvpiket

a en hauwecetskekon omat, pvkse hvttm pohetskat mos kometskeko haket, ayecicen hofunate pohetske seko ome hakes. Mekusvpkv vrakkuecu-svte, hiyomat mos komekot, lvpecet, emvhlvpatkuse tetayet, estemerkv pvnfn oh vpeyat sulkes. Naorka, hvse-vkerkuce hoyanate vtekat hesaketv em vhopiyecat, mit ayecicetskes.

Hopiye mahe uehvtkv tvpalvn cvtokelefte rakkot oces, momen mvn fuswvt kayaketa omes. Este mvn vhesahokepat sases. Este hvmtet hvmtkv fuswv echustaken yvhcet arvtes, momet cvton ekvnvn tvkcvkhehcet, fvkvn vlvcehcet, mvn vtvriket akhvtapkvtes. Momen mv fuswv echustake ocan vwolicet omis, oreko tayet, svyulasket ohkueket ayet cvtokelefte mv echustake ocat rohhuervtes. Momis mvn rohhuerofo, sehvlvtkvten re-cvpiken, momusen fvkvn en kvpakvtes. Estometv kerre sekates. En hueretv estomahvtes. Elecv fvtcv uehvtkvttl estele-vhopakv cukpe sulket en sufke tates. Momen onvpau estomet vcmkēsko tayvtes. Munkv heyvn hueret, elauko elekon omat, mv vkelefte-rakkon a akltiket, wokociket elvranat tvlkvtes. Momekv fvkvn tvlkuset em vhesaketv tates. Momen mau vyulaske munket vtvirken hecvtes, momis fekhunnet aye munkvtes. Momusen em vkerrickv hvhyet, mucv yvwolicen omat ohtasiket 'se hvltvares, komvtes, momekv hvttm yvwolicof, ohtasiket, momusen mvn vcm-

ket, ayet rossiyet hesakvtes Estemerkvt oces. Hofunekon elkvt ce sumecicvrans. Momisem ce hesayecetv Cesvs ece'nakuecuset omes. Vnen es cem ehvlvtkvn cv hayvs ce kice munkvt omes. Mv tvlkusen em enhonrvs. Vkvsvmkv es hvlvtvs. Hvlvtetvn kometsken omat, cem mvttiyekos. Momen ce hvlahtet hvlwen seceyvres. Momisem hvse-vkerkuce ohhoyvnecicetskat vtekat, penkvkv, momen a oh vtetv en yekce ohvtvlaket aye-cice munkvt omes. Hiyomofvn Cesvs a oh vtes.

HIYOMOFVN VTES—PVKSEN KOMETSKEN  
OMAT, OKETV HOYVNEHPE WITES.

Hvtetusat Cesvs a oh vtares kometske wites. Feleks makvte omen "Hiyomat cem vyetvn vye-pvs, oketv etektvnken ociyofvt, cen huehkares" maketske wites. Mekusvpkv vfvstekot ohhoyvnecicetske munken omat, estofis svlvfken ce hue-rice tetayet Este-nekricv kerruset omes. Hesaketvmese opunayat "Mucv nettvn vm punkvvn pohatsken omat, ce feke wvnhehcatskvs; hecvkes mucv nettvt hesaketv nettv tes." Momis Este-nekricvt a cem wvswakes, "Mucv nettv tokos, momis pvkse mimvts" maket. Hiyomofvn emet e enake hayepen omat, cen nettv vpvlwv omvkvvn Hesaketvmesen em wiketskvres ce kices. Aeha! heren pvkse vkerrievs. Naorketvn en kvpvketv e yacekat vrahkv omekis, hvteten en kvpvkares

kome, ohhoyvnecice em oketv res yukpoyatet sumecvte sulket omes. Pvkse kome vkerrickvt este sulken estemerkv sakhvtapkvtes. Cv nokkofvt mekusvpare kometske wites. Momisem es'te nokket wakkvkofvt holwiyeckv en kvpvketv etektvnkeko mahat tes. Cena nokketvt tayen, monkat cen hoporrenkv tis sumiken, naken vkerriceko tetaye hahket wakketske wites. Enokhokofvt holwiyeckv en kvpvke okicakvte tisem, em vhlvpatkofvt enhomv fullvte 'sen hoyvnet mos komeko hahket fullat sulket omes. Holwiyeckv en kvpvketv mehenwusat tokot omvtet okv, pvsatkvten omat sumecvnt omes. Enokketv ofv naorketv en kvpvketv enhonresko tetayuset omes. Momis oketv heyv omat cakkekis esmunkehpe wites. Hvse-vkerkuce contkuisis cem etektvnkekis ce'le wites. Mucv nettv ce cvfeknusvte tis, pvkse ce'lepet wakketske wites. Hesaketv ohhoyvnecicetske haks? estofvn ce'lvrana kerrekofvt. Naorkv ce'stemerrusate, ce'lvrana tvlkuses. Estofvn ce'lvrana kerretske sekos. Mucv nettv tis omepe wites. Pvkse naorketv en kvpvkares komet ohhoyvnecicetskes, momis pvkse estemerkv yuksv sekona erohretske wites. Mucv nettvn Cesvs vnafkes, momisem vkerricvs, pvkse elkvtnvfike wihtes. Cen hesse here mahaten topvrn huericetsket omisem, elkvtnohcehyet, lvpken ec'ohfvtcecvn sec'oh ayvres. Mucv nettvn Cesvs a



oh vtes. Mucv nettvn ce hesayecetv vkvsvmes. Hvlwe tvlofv em ahauke mucv nettvn haukes. Pvkseu kometsken omat, oketv hoyvnehpe wites.

VTETSKEKON OMAT, CE SUMKVRANAT TVLKUS.

“Naken estomiyat cv hesakvr haks?” “Hesaketvmese Cesvs Klist oh vkvsametskof, ce hesakvres.” “Naken estomiyat cv sumkvr haks?” “Heyv vhesaketv rakke ocateu vfvstekot,” e enake hayekot aretskofvt, ce sumkvres. Pu sumkepe hoyanekv, naken estomekis fulleye tetayes. Cesvs pu hesayecetvn makes; momis em apohicekon omat, pun svpvkletv emmunkuses. Hesaketvmese em opunvkv-herv tvlkuset pum puyvfekcv em enokketv em wicecet omes; momen mvn e enak’ hayekon omate, holwiyeckvt pu pvsvtvres. Horkopv toyet, este elecv toyetskat tvlkusen cem puyvfekcv sumke tetayet ohmekos. Holwiyeckv kerkvke vfvstetskeko estomiseu, Cesvs a oh vtetskekon omat, ce sumkvres. Heyv opunvkvn vkerricvs, “Heyv hesaketv rakkan ayvmahken omat, estomet emvnttepeyvr haks?” makaten. Hesaketvn e enake hayekon omat, pu pvsvtkvranat tvlkuses. Cesvs tvlkuset puyvfekcv hesayece tetayes. “Momen etimv ofv hesaketv sekot omes, sutv elecv nake hocefkv etv estome vhesakvke tetaye este emhoyvte sekokv.” Aeha, naorka,



Cesvs e enake hayetskekon omat, ce'stemerkvranat tvlkuses. Momen cem estemerketv rakke estvmahet omvres. Hesaketvmese nake momecares makvte momehcekos kometsken omat, cem mvtte estvmahet omes ; mome enhonrkv hayetv ehvperkv t omes. Cesvs a oh awayat tvlkusan pu hesakvres, momisem momekot, e enake hayekot, vrakkucekot fullen omat, pu pvsvtkvranat tvlkuses. "Huehkiyvtes, momis apohicatskekatet okv, vneu cem estemerketv vpelicares, cem penkvkv vlakof ecepenlicvkares. Momof huehkvkvres, momis em ayoposikvkos ; cv hopoyvkvres, momis es cv hecahkekos ; Hesaketvmese em penkvkvvn e enak' hayekot, vm punvkv vfekrakkekot" fullakekv. Aeha! naorka, heyv cvpvkktvnmvnttepv. Hiyomat Cesvs e sakpvn rvtosecet hueres. Ahtet, hesakepv, ce kicet omes. Em merkv e enak' hayeko ahretskvs. Cen naorketv, cem estemerketv estomet, cen hueretv tat emmunken hiyomofvn a svtes. Estofvn etv ce huerihcekos. Cesvs a oh vtes. CESVS A OH VTES.

## CESVS A OH VTARES.

“Vc oh vtes,” cv kicetskes;  
 Ce catv vm pvlatkvten,  
 Mv tvlken 'punvyecit os;  
                   Hesayecv, atis!

Ec'oh atis, vn 'yvfekev  
 En holwiyeckv omvlkvn  
 Ce catv hvsvtecet os;  
                   Hesayecv, atis!

Cv'stemerrus, cv hecekot,  
 Vn 'yvfekev en heleswv  
 Ceme ofvn eshecvret,  
                   Hesayecv, atis!

Cv nvfhokis, hueriye 'munk's  
 Penkvlkv sulket cv nafken,  
 Cv feke nokkuse emunk's;  
                   Hesayecv, atis!

Vm munkusen, cv'setskvres,  
 Holwiyeckvn vn kvpicvs,  
 Cem punvkvn 'kvsamikv;  
                   Hesayecv, atis!

Ce'nokeckv kerkekatet  
 Ce'nrvpkv omvl' lekafes,  
 Munk' cenak' toiyat tvlkus;  
                   Hesayecv, atis!











WERT  
BOOKBINDING  
Grantville, Pa  
July—Aug 1987  
We're Quality Bound

LIBRARY OF CONGRESS



0 016 150 250 9